

**393** Daz got ir strîtes gegenniet  
 des tages von ein ander schiet,  
 des was ir helendiu zuht ein pfant,  
 daz ir neweder wart genant.  
 5 sine erkande och niemen dâ;  
 daz tet man aber anderswâ.  
 Zuo Meljanze sprach Scherules:  
 »hêrre, muoz ich iuch bitten des,  
 sô ruochet mînen hêren sehen.  
 10 swes vriwent dâ bêdenthalben jehen,  
 des sult ir gerne volgen  
 unt sît im niht erbolgen.«  
 daz dühte si guot über al.  
 dô vuoren si ûf des küneges sal,  
 15 daz innere her von der stat;  
 des vürsten marschalc si des bat.  
 Dô nam mîn hêr Gawan  
 den grâven Laheduman  
 unt ander sîme gevangen.  
 20 die kômen dar zuo gegangen;  
 er bat si geben sicherheit,  
 die er des tages ab in erstreit,  
 Scherulese, sîme wirt.  
 mannegelich nû niht verbirt,  
 25 sine vüeren, als dâ gelobt was,  
 ze Bearosche ûfen palas.  
 Melyanze gap diu burcgrævîn  
 rîchiu kleider unt ein rîselîn,  
 dâ er sînen wunden arm in hienc,  
 30 dâ Gawans tjoste durch gienc.

daz er ir \*T (*nur T*) · st. gegenbiet \*G (*ohne Z*) \*T  
 w. bekant (gemant I). \*G (*nur G*)  
 sô geruochet m. h. s. \*T  
 des vürsten sal \*G \*T  
 Unde daz (Vntz L) \*G (*ohne I*) (\*T)  
 Libautes m. \*G (\*T) (*nur T*)  
 er (der \*T) kom dar \*G (\*T) (*nur T*) · zuo gegangen \*G  
 unde bat (bat er I) si \*G  
 er enkœm, \*G s. kœmen, \*T (*nur T*) · als dâ geboten (gelobet \*T [O L Z]) was, \*G (\*T)  
 ↓\*G

---

\*D: D \*m: m \*G: G I O L Z \*T: T V

---

**1** Initiale D   **3** Initiale I O L Z   **7** Initiale T · Majuskel D   **13** Majuskel T   **15** Initiale G   **17** Initiale I · Majuskel D T

---

5 si enkante (erkande V) och niemen anders dâ. \*m (V)   25 vüeren] fñren D   30 diu von Gawans Tiost ergienc I · gienc] ergienc \*m (V)